

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

بالجمله محررات در سعادت پوسته خانه سنده
تصوف جریده سی نامه کوند رملیدر.
قوطو نومرو سی ۱۴۲

شرائط اشترا

سنة لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابو حفص عمر بن مسلمه

عرفای امتک مقالات عارفانه لر بنه تصوفک تحفیه لر ی آچیقدر

تصوفه متعلق مباحث شتادن باحث و مکارم اخلاق اسلامیتک تعمیغه خادم مجله معنویه در

تراجم احوال صوفیه

غزالی حضرت تری علوم فلسفیه بی اولای ریاضیات
ثانیاً منطقیات ثالثاً طبیعیات و الهیات قسمی زدن باشلایه رقی
اخلاق و سیاسیات ایله ختم ایلدکن صوکره هر نه
اولورسه اولسون علوم فلسفیه بی رد ایتک و یاخود قبولی
طرفداری بولمق صورتیه زمانده موجود اولان ایکی
درلو جریان افکاره قارشو برعابره علمیه آچمش اولدیم
ذکر ایدمش ایدی . زیرا برنجی جریانیه کوره فلاسفه
منسوب اولان هر بر علمی انکار و شریعت اسلامیه
مخالفتی زعمیه بویه بر ادعای نابجاده اصرار ایتک دیانت
مقدسه اسلامیه حقیقه یک بیوک بر جانی موجب
اولیوردی چونکه بومیانده علوم ریاضیه کی برهانیات
دخی شرع شریفه مخالفتی زعمیه رد و انکاری العبادیه
دین اسلامک جهالت اوزرینه مبنی اولدیفنه سوء ظنونی
دعوت ایدمک بر معامله باطله در حالوکه علوم مذکور
ایله احکام دینه آراسنده یکدیگرینه معارض اولمیه چک
بر مسئله قطعاً موجود اولدیفنی کی برهان ایله ثابت اولان
بر حقیقتک دیانت صحیحیه اسلامیه یه مخالفتیه اصلاً
متصور دکادر زیرا حق : هیچ بر زمان حقه معارض
اولمز .

ایکنجی جریانیه کلنجه غزالی حضرت تری بوخصوصه
دخی فلاسفه یه منسوب اولان هر بر فکر و مطالعه بی
بعض مسائلده اصابتلرینه اغتراراً بلا محاکمه قبول
ایدیورمک : علی العمیا تقلیدک در کات سافله سنه دوشمکدن
عبارت اولدیفنی بر اهن یقینه ایله اثبات ایتش ایدی
زیرا بعض مسائلده حق و حقیقه اصابتک جمیع مسائلده
عین اصابتی استلزام ایتیه چکی بدیهیدر . مثلاً علوم ریاضیه
دخی اصابت ایدنلرک عین صورته الهیات قسمنده دخی
اصابتلری لزومه قائل اولق : منافی عقل و حکمتدر .
بو مسئلهک نتیجه سی ایسه بحث و استدلاله اهیت
ویرمکسزین کویا عوام ناسک طبقه سندن یوکسلمک
زعمیه فلسفه نامه هر نه ایشیدر سیه قبول ایتک وشو

غفلته کبر و غروره مبتلا اولانلرک حقوق مقدسه الهیه
تجاوز ایتش اوله جقلمی جهته حدیث قدسی الهیه
(الکبریا ، ردائی و العظمه ازاری فن ناز غنی واحداً متهما
القیه فی النار) بیورلمشدر .

عوامه کلنجه بونلرک متکبرلری ده : ارباب کلاه نسبتله
کندی نفسلرنده نقصانی فضائی کورمکه خلقک نظرنده
حس ایلدکاری احتقاری ازاله ایده بیلیمک اوزره
کریوه کبر و غروره دوشمشلردر تکبرک هرایکی نوعی
ایسه حسد و نفسانیتک مولد و مروجلریدر .

حسد : شخص دیکرده کوریلان نعم الهیهک
زوالی آرزو ایتکدر بوخصوصه دخی عین عرفان ایله
نظر ایدیلنجه حکیم مطلق تعالی و تقدس حضرت تریسک
افعال الهیه سنه اعتراض ایتکدن عبارت اولدیفنی کوریلر .
بنه علیه حسدک ایمان ایله متاسب اولمان بویه بر امر
خطرناکی متضمن بولدیفندن احادیث شریفه تنبیهده
(ولا یجتمع فی جوف عبد مؤمن الايمان والحسد)
بیورلمشدر . یعنی بر عبد مؤمنک ایتیده ایمان ایله حسد
برلشمز دیمکدر .

کبر و غرور : حسدی تولد ایلدیکی کی حسدده
طبیعتیه و (لا يزال الناس بخیر ما لم یخاسدوا) حدیث
شریفک دلائله غیبت و خصومتی انتاج ایدر . بین افراد
الامه غیبت و خصومتک داعی شقاق و پادی افتراق
اولدیفنه (ولا تنازعوا فتنشوا) آیت کریمه سیله
نابتر .

ایشته اتحاد ملتک یکانه آقسلری : کبر و غرور ،
حسد و نفسانیت ، نزاع و خصومت کی خباثتلردر
بوگون ملتک هرهانکی بر طبقه یاخود هرهانکی بر فردنده
بوعلت لک آثاری کوریلر سیه همان مساوات لازمه سی
بوگون افراد ملتک بر وظیفه مقدسه اجناعیه سیدر .
چونکه وطن مشترکک حیاتی اتحاد ایله قائم و اتحاد ایسه
مکارم اخلاقک محافظه سیله داغدر .

صورتله فلاسفه یه طرفدار کیچنمکدن عبارتدرکه: تقلیدک
عینی و بلکه ده اک آشانی بر نوعیدر چونکه بر تقلیدی
براقوبده دیگر بر تقلیده انتقال ایتک مراتب انسانیه نیک
یک عادی بر مرتبه سیدر. عوام ناس ایسه سلامت وجدان
وحسن اذعان سایه سنده بو عادی لیک فضا حثندن وارسته در.
ایشته غزالی حضر تتری (تهافت الفلاسفه) سنده
بر مسلک نوین ایله مباحث فلسفیه یی اوچ قسمه آیرمشد
برنجیمی نزاع لفظی یه راجع اولان اختلافات صوریه در
که: بونلره تعرض ایتمامشد. چونکه مسنده اتفاق
ایلدکدن صوکره الفاظک اطلاق و استعمالنده اختلاف
ایتمک معناسزدر. ایکنجیسی کسوف و خسوف وارضک
کرویتی کبی بر ایهین ریاضیه و هندسیه ایله ثابت اولوب
اصول دینی یه قطعاً معارض اولیان مسائل فلسفیه درکه
بومثالو حقایق فیه نیک شریعت اسلامیه یه معارض اولدیفنی
اثبات ایتش و بونلرک شرع شریفه مخالفتی زعمنده
بولانلرک جهالتلری ایضاح ایلشد. اوچنجیسی اصول
دینی یه معارض اولان مطالعات فلسفیه درکه: غزالی
حضر تتری انجق بومثالو مطالعاتک بطلان صریحی بر ایهین
قاطعه ودلائل ساطعه ایله اثبات ایتش و مناظرات
مدققانه سنده التزام ایلدیکی آداب علمیه سیله یار و اغیارک
تقدیر و تحسینی جلب ایلشد.

غزالی حضر تتری نیک مباحث فلسفیه ده تمهید ایلدیکی
مبادی، ثلاثه مذکوره مشارالیهک خصوصاً مبجله
علمه سندن عد اولنسه بحدار کندیلرندن صوکره بواثر
حکیمانه افتا ایدنلر یک نادر در عصر حاضره قدر علوم
فلسفیه حقنده دوران ایدن افکار متخالفه: سکر یوز
قرق سنه مقدم حجة الاسلامک مبادی، ثلاثه مذکوره
اوزرینه بسط و تمهید ایلدیکی مباحثات و مطالعاتک نسیاً
منسیاً کوشه اھمال و اندراسه آلتش اولدیفنک اک آجیق
بر نشانه سیدر. بوکون علمای دین اسلام طرفلرندن
غزالی حضر تتری نیک مسلک جلیل حکیمانه لری نیک احیا
ایلمسی یار و اغیارک نظر لرنده دیانت مقدسه اسلامیه نیک
علویت و قدسیتی بحق اثبات و اعلان ایده جک بر حقیقت

باهر و بوتون عالم اسلامیتی مدنیت حاضره نیک مدارج
علیاسنه اعتلا ایتدیره جک بر خدمت مقدسه فاخره در.
غزالی حضر تتری کتاب مذکورده شرائط مقدمه
دائرة سنده ایراد ایلدیکی بر ایهین ساطعه سیله دیانت اسلامیه
نامنه فلسفه باطنیه یی اساسندن دویر مکله عصر نده کرک
دین اسلامک و کرک سائر ادیان سماویه نیک مدافع بیکانه سی
اولدیفنی صروده باطنیه مذهبک الموت قلعه سنده حسن
بن صباح واسطه سیله پارلایان شراره فساد و الحادی
قاروش سنده بولنیوردی. بو مذهبک مؤسس اولی
عبدالله بن میمون القداح نامنده بر شخصدر. علوم
و معارفده نصیبه دار اولقله برابر طریق ضالته صابش
و باطنیه مذهبی تأسیس و ترویججه چالشمش ایدی. بو
مذهبک ماهیتی ایسه نصوص شرعی نیک معانی ظاهره دن
صرف و تحویلله بواطن خفیه یه حصر ایللمسی و بونلرک
ادراک و استنباطی انجق ائمه معصومه یه مخصوص اولقله
هر حالده ناسک بر امام معصومه اقتدا ایلمسی لزوملری
اوزرینه مبتنی ایدی. ده طوطریسی اسلامیه قاروشو
سیاست الحادیه ساحه سنده قوریلان دولاب احتیالک
واسطه تدویر و تزویرندن عبارت ایدی. ابن میمون
مذهب مذکور ی ابتدا اھواز شهر نده اعلان ایدرک
نامی امام محمد بن اسماعیل نامنه دعوت ایتش ایسه ده
افکار عمومیه نیک غلبانی اوزرینه رفقاسندن حسین
اھوازی ایله برابر بصریه فرار ایتش ایدی. بصره ده
دخی تحری ایدیلنجه شامه عزیمتله سلیمیه قصبه سنده
اقامت ایتشد. حالا قصبه مذکورده باطنیه مذهبک
بقیه جهالتی حکمفرمادر. ابن میمون سلیمیه ده وفات
ایلدکدن صوکره اوغلی احمد مذهب مذکورک ترویججه
چالشمش و حسین اھوازی یی عراق جهتلرینه کوندرمش
ایدی. حسین اھوازی حمدان بن قرمط نامنده بر
شخصک واسطه یه باطنیه مذهبی خطه عراقیه ده تأسیس
ایتمکله بالآخره ابن قرمطه نسبتله باطنیه کروهنه قرامطه
دنیلمشد. بونلرذن صوکره ابو سعید جنابی و اوغلی
ابو طاهر حسن بن بهرام و ابو جعفر محمد بن علی

اوراق وارده

تصوف غزنیسی مدیریت علیسه

فضائل مدینه ایلہ تمیز ایتمش اولان هر قوم و ملته و بالخاصه (المسلم من سلم المسلمون من یدہ ولسانہ) اجمال مقدسک تفصیلندن عبارت بولنان احکام مبعله اسلامیه کوره مشروطیتک هر وجهه معنایی تصفیة اخلاقه منجر اوله جنی کبی بو نتیجه مهمه مکده دلخواه عمومی وجهه قوه دن فعله اخراجنک الک کسدرمه طریق نظریات اخلاقیه نک مکتسبات نقلیه و عقلیه ایلہ مزج و تطبیقندن عبارت بولنان مسلک صوفیه نک وسائط سائرہ مثلث تعقیب فوائدی خصوصینک نظر اهمیت و اعتنا به آلمسندن عبارت ایدوکشی و بناءً علیه مناسبت دوشدکجه یکدیگرینک بر لازم غیر مفارقی بولسان مشروطیت ایلہ تصوفک مناسبات متقابله لرندن بحث و بیان همت بیورلمسی لزومنی اوچنچی نومرولو نسخه ده حسب المناسبه عرض ایتمش ایدم .

رسم افتتاحی بو هفته نسخه سنده تبشیر بیورلمش اولان جمعیت محترمه صوفیه نک صورت تشکیکانه دائر اولان تفصیلات مرشدانه لری بوبایدکی امید و ارزوی کترانه مک حصولی مقدماتنک ترتیبی اعلام ایلدیکندن طولانی فوق العاده مسرور اولدم .

هله جمعیت مشار الیه ریاست اولاسنک مسلک جلیل صوفیه به علماً و عملاً تخلص و صادق و جامع المنقول والمعقول وصف تحریرانه نه احرا و لایق اولان شیخ الاسلام و مفتی الانام موسی کاظم افندی حضرتلرینه و ریاست ثانیه سنکده عالم تصوفده کی علو قدر و مزانی خطه عراقیه ایلہ قطعات سائرده مسلم و مشهور و خوارق کشف و کراماتی الی یومنا هذا السنه انامده دائر و مذکور اولان سورسوری مرحوم شیخ طه افندی حضرتلرینک سر خلیفه سی اولوب بیر مشار الیه حضرتلرندن تنلاً و مقربین خلفاسندن روایة استماع اولدینی اوزره مشار الیه دن منتقل دولت

شلمغانی کبی زعمانک قیام و اهتمامیه مذهب مذکور اطراف و اکنافه سرایت ایتمش و خلافت اسلامیه نک مرکزی اولان بغدادده قدر صوقولمش ایدی . نهایت دردنجی عصر هجری اوآخرنده ظهور ایدن حسن ابن صباح باطنیه مذهبینک اصول فاسده سنی توسیعاً نشر ایلدیکي تعالیم جدیده سیله کسب قوت ایتیمکه الموت قلعه سنی قبضه تسخیرینه کیچیرمش ایدی . ایران و توران جهنلرنده یک چوق بلاد و قصبائی معنا و ماده استیلا ایتمش و الموت مرکزنده اونوز اوچ سنه حکمران اولمشدر . یدی فردن عبارت اولان اخلاقی سکسان بر سنه قدر باطنیه حکمدارلقنده بولتمشدر و نهایت هلاکو خانک استیلاسنده تاج و تختلریله برابر تارومار اولمشدر . نصیرالدین طوسی : التیوز الی دردنجی سنه هجره سنک ذی القعدة غره سنده بازار ایرتسی کونی صباحین باطنیه طائفه سنک صولک حکمداری خور شاهک هلاکو خانک حضورنده سرفرو برده مذلت اولدینغه دائر بالذات مشاهده واقعه سنی تاریخنده یازمشدر .

ایشته باطنیه . اسماعیلیه . و قرامطه ناملریله یاد اولنان حکومت الحادیه نک بانیسی حسن بن صباحک لهیب ضلالتی کمال شدله شراره یش مفسدت اولدینی زمانلر : امام غزالینک دوره ظهور و اشتهاینه مصادف بولتمخده ایدی . ابن صباحک تعلیمات و نشریات فاسده سنی د و ابطال ایتک اوزره مقام خلافت اسلامیه دن اوامر قطعیه آلمش ایدی . بناءً علیه خصائص عالمیه مقتضاسیه اول امرده مذهب مذکورک اصول و فروعنی مکمالاً تدقیق ایلدکدن صوکره مستظهری ، حجة الحق مفصل الخلاف ، و القسطاس ناملریله تألیفه موفق اولدینی آثار جلیله سیله طائفه مرقومه نک ضلالت و طغیانی و سراپا مذهب مذکورک فساد و بطلانی صورت قطعیه ده ایضاح و اثبات ایلشدر .

مابعدی وار